

«Jesu Klisti dopolö to osö, to egbé, mowë yèdö kakadoi»
(Heblu 13:8).

OWÉ HE YÈ TO MIMÁPE LÖ

Osùn ẹnẹtọ owhè fō e lán fòtòntọ (2015) mè

Yen yí núdodomé vivé de do dònúdo nòvisunnu po nòviyonnu lè he tin to nukun mè aigba ji tòn lèpo po to Oyín Oklunö Jesu Klisti tòn mè, po Owéfö HEBLU 9:28 tòn po, dòmò:

«Mowë yè yí Klisti do sánvó whladopo nado zé ylando mèesusu tòn hén: podo hlan yé he sò to nukundó: alihò nelè wè é na sòawúhia whlawetö jèla sòn ylando hlan whlèngan.»

Do ayi e go, wiwá Klisti tòn awetö lò wè kòléwá Etòn pagbe tòn lò (JOHANU 14:1-3). É na wá na mèfligò **he to nukundo** É lè. Na Ewò na wá na yé he to **awuwìwle me:** «... yé mèhe wléawu lè biò hòmè hé e yì alòwle hùnwèh kòn» (MATIU 25:10). Do ayi É légòja na mèfligò **he yinwanna awúsòhia Etòn lè.** Podò «yé he yinwanna awúsòhia etòn lè» na yí jegbakun dódò tòn he yè ko dopagbe etòn (2 TIMÓTI 4:8).

Koléwá Klisti ko sèpó. Enewutu, onú vivé lò wè yín dò yè ni mò ninòmè atòn hele to dopodopo mítòn lè mè, he yín ehele: tintan wè yín nado **nòtepón En;** awetö lò wè nado **wléawu dai,** podò atòntö lò wè yín nado **yinwanna koléwá Etòn.** Do ayi e go, mí tin to asiko yiyo tónjègbonu tòn mè kèdèdi Owé 2 KOLINTINU 6:17-18 tòn he dòmò: «Enewutu wè Okluno, dòmò: Mì tónson sènsen yetòn, bo nò ola.» Dinvie, dòndopò dòdai ojlé godo mè tòn lè tòn ko yín sìsè to nukun mítòn lè mè. Ehe lò wè ojlé ehe tòn Okluno dò, dòmò: «Whenuena onú hele na sè jijo, ... mí ni yónèn dò, aholudu Jiwhéyewhe tòn to dindònsepó» (LUKU 21:28-36). Podò gbón ojomíon dali, mí tindo alihiamé Biblu tòn gbón Ohó dòdai tòn lò dali, podò mí sò sògan mò hlan ohia ojlé lè tòn hézéhézé to ofi popo. Do ayi e go, awhágbe gbigbò mè tòn nado fón yisenò Biblu mè tòn lèpo sòn amlòn mè ko to núdò to dinvie to aigba lèpo ji, bo sò to sinsinyen deji, dòmò: “Pón asisúnò ja! Mì fón! Mì wléawu! Mì tónyi pè É!» (MATIU 25:1-10).

Dinvie, owèn lò we jenukonna wiwá Klisti tòn awetö lò. Do ayi e go, yisenò lè wè awhli he jlá ozòwhán yetòn lè dó. Na awhli *nuyóntö* lè tòn, e ma yín nado tindo ozòwhán kèdè gba, nado dò, ene wè hinhón lò, yèdò ehe yín nukunnumojenúgo lò, şigba na yéwle tòn nùvivé lò wè yín dò,

awúwiwlé pipé gbọn yise dali po yise po, podo nado yín gigóna amì Gbigbọ tòn lọ. Do ayi e go, ohànpato de pahàn do ohúnhàn eton gbigbọnọ mé dólé, dòmọ: “Mẹplónto Wiwé È, to popolepo mè, gó núzinzán lè na huhlọn Towe kede...” Dinvie, gbọn núyiwà Gbigbọ tòn dali wé kòndopò Asivu he tin to aigba ji lọ po Asisúnọ olon mè tòn lọ po na sòawúhia to wanyi pipé de mè bo sò tin to gbèsisò pipé de mè po Ohó Jiwheyewhe tòn po.

«Yen na yín winyanmè towé!»

To Owé HOSEA 2:19 tòn mè, Oklunọ ko dopagbe dòmọ: «*Yen naso dà we hlan dē kakadoi: mowé yen na dà we hlan dē to dódó mè, podo to whèdida mè, podo to dagbewanyin mè, podo to lèblanu lè mè.*» Ehe wé núniná jomíon Meflitọ tòn hlan mèfligò lè. Do ayi e go, to satin Gòlgòta ton ji, Asisúnọ ko súahó gbọn wanyinna mè hlan Asivu lọ dali (JOHANU 3:16). Enewutu, gbọn Ohùn Alènùnù yóyó tòn he yè kòndai dali (MATIU 26:26-28), yè ko flí Agùn lọ gò, enewutu yè do wlán dòmọ: «*Mehe mè míwlé ko mọ ofligò yí te gbọn ohùn eton mè, ojona ylando tòn, kedadì adòkun susu ojomíon eton tòn*» (EFESUNU 1:7). Kedadilé adàja Adam tòn yín hùnhùn nado dè Evi tónjègboru dó, podo to enégodo wé yè do é hia hlan en (GENESİSI 2), mowé adàja Mefligòtọ tòn yín hùnhùn to satin ji dó (JOHANU 19:34), podo mèfligò lè wé Agùn-Asivu Etòn tòn, yèdò mèhe na pé É to aslò mè to whenuena ewo yì aga jé nûdùdù alówle hùnwhe tòn kòn (1 TESALONIKA 4:17). «*Mowé yè wlán en dò, Yè yí Adam sunnu tintan do basi gbigbọ gbète; yè sò yí Adam godo tòn do basi gbigbọ megòdogbè tòn*» (1 KOLINTINU 15:45). Enewutu, visunnu po viyonnu Jiwheyewhe tòn lepo po wé «*awutugonu Etòn po ohú agbasa Etòn mè tòn po.*» Paul ko sò wlán to dindén mè dòmọ: «*Nûdabla daho wé ehe; sigba Klisti po Agùn Etòn po wé yen to didò*» (EFESUNU 5:30-32).

Kedadilé ojlé hontón mè ninò tòn te, bò sunnu lọ nò lezùn Asisúnọ bò hontón yonnu lọ nò yín Asivu dó, mòkèdè wé hlan gbèyíyí nugbo tòn de hlan Jesu Klisti dó, ené wé “Mowé” hlan Èn, podo Mefligòtọ lò lezùn Asisúnọ olon mè tòn, bò mèfligò lè sò lezùn Asivu Etòn. Do ayi e go, hontón mè ninò ma yín omé dopo gè gba, adavo whenuena omé awe na pé yédele, podo ayiha yeton lè nò yín hiho na wanyinna ode hlan awetò, bò yonnu lò nò yigbè dò, “Mowé”.

Enewutu, mèfligò lepo, yèdò yé mèhe mè Ohó he yín Jinukún lò yín dido do lè (LUKU 8:11), nò yín vivoji na dopón gbète de (1 PITA 1:3). Yéwle nò kéaloyí zinzán Jiwheyewhe Meflitọ lò tòn po ogbè madopòdo po:

«Enewutu, eyín omé de tin to Klisti mē, mēdidá yóyó wé ewo: yè ko hēn onú hohó lē juwáyi; bo do ayi e go, onú lepo lezùn yóyó» (2 KOLINTINU 5:14-21). Mēhe yín Agún-Asivu lō tōn tōn tindo kōndopó mēdetiti tōn po Oklunō po, kēdēdi hōntōn de hlan awetō etōn, ewo lō sō nō sē onú he Asisúnō dō hlan Asivu Etōn mēyinwanna gbon Ohó Etōn mē bo nō hēn en wá wiwà mē. Whenēnu wé ohó he yín «asi etōn ko sō sónú do ogo» na wá sīsē mē.

Do ayi e go, yé he yín Agún-Asivu lō tōn lē wé na wléawudai to whenuena Asisúnō lō na soawúhia do. Na yé yinwanna En bo sō tin to mizōn-mizōn ji nado yì núdūdù hùnwhe kòn hē E, kēdēdilé yè wlán en dō, dō: «Donano wé yé he yé ylo do núdūdù alowle Lengbovu lō tōn kòn lē» (OSOHIA 19:7-9). Gbon devizōn yewhegán he yè ko dopagbe etōn tōn dali, Gbigbō Wiwé hen Ohó he yè wlán wá awúsóhia mē, na yé he yise nugbonugbo lē. Podō dogó: To yé he yise lēpo bo sō yín Agún-Asivu lō tōn lepo mē, owen-Ohó lō nō dē núhe wutu yè do do é hlan (ISAIA 55:11; LOMUNU 10:16-21).

Enewutu, Johanu-Baptist dawhá, domo: «Ewo mēhe tindo asiyóyó wé asisúnō: sigba hōntōn asisúnō tōn, he site bo to ogbè etōn sē jaya susu na é sē ogbè asisúnō tōn wutu: enewutu yè hēn ayajé sie he zùn gigó» (JOHANU 3:29). Do ayi e go, Johanu húgan yewhegán de: na ewo wé yewhegán he yè ko dopagbe etōn bo sō tindo azón gbonvo de, domo: «Ehe wé ewo mēhe tōn yè wlánwé dō, Pón, yen do wéndagun sie hlan nukunmē tote nukon, mēhe na jla alihō tote dō to nukun tote» (MATIU 11:9-10).

Mì do ayi e go, yewhehódoto depope matin ehe ko doywhehó dogbon Asivu Klisti tōn dali, gbon awuwiwlé tōn dali podō gbon awúsóhia lō tōn dali, adavo omé Jiwheyewhe tōn William Branham kēdē. Podō lé omé pō ko mōdona ené lō dō, oylo Jiwheyewhe tōn yín niná hlan en to azán widopotō, osùn şidopotō, owhé fótón-fené-kantón e lán wiatontō (1933) tōn mē, domo: “Kēdēdilé yè do Johanu-Baptist hlan jēnukonna wiwá Klisti tōn tintan, mōdopo wé yè do we hlan po owen he na jēnukonna wiwá Klisti tōn awetō lō po!” Owen etōn he kōndopó po Titò Whlengan Jiwheyewhe tōn tōn po, ko yín aleno, podō mōkēdē wé ayajé etōn na gó dilé Johanu-Baptist tōn te dō.

Dinvie wé ehe yè wlán dō, «Gbigbō po asiyóyó po domo, Wá. Ewo he to sisē ni domo, Wá. Podō mēhe núgblahú gbo é ni wá. Ewo he jlo gbo é ni yí osin ogbè tōn lō vónu» (OSOHIA 22:17).

Sigba mèhe dali huhlon gbodemè he ewo to mimò gbòn núhe Jiwheyewhe ko dò bo ko sò dóhia dali, jlo nado ná yéyi angeli de kavi devizónwàtò Jiwheyewhe tòn de to fie e je é ni ná gigo Jiwheyewhe kédé te, dilé Johanu to osó Patmosi tòn ji sògan sè ohó dopolo he yè ko dò hlan Johanu dali, dòmò: «Pón, hie wà mo blo! Devi hatòde wé yen po hié po, po yewhegán mémèsunnu towe lè po, po yé he tin to ohó he tin to owé he mè tòn yín lè po: litaina Jiwheyewhe!» (OSOHLIA 22:9).

Gigòyì bibénu, nado mòdona vivonu lò hézéhézé

Gbòn devizón Johanu-Baptist tòn dali, e ma yín şisè Owé MALAKI 3:1 tòn he mè kédé gba: «*Do ayi e go, Yen do linzónyítò sie hlan, ewo bo naso wléawuna alihò lò to nukòn sie*» kédé wé yín şisè gba, şigba podò ga, apáwhé tintan Owé MALAKI 4:6 tòn lòsu yín şisè dólé, dòmò: «*Ewo na sò no lé ayiha otó lè tòn do ovi lè de...*» Mowé angeli lò dòhlan otó etòn Zakali do, dòmò, «*Ewo na sò no lé ayiha otó lè tòn do ovi lè de, podò tólivètò lè nado nò zinzonlin to nuyonèn dódónò lè tòn mè, nado wleawú gbètò lè de tòn dote dai na Oklunò*». (LUKU 1:16-17). Na ené lò wé yè ko kànbiò to bibénu dogbòn devizòn Johanu Baptizi tòn dali, ené dopolo wé yè sò to kinkànbiò to dinvie dogbòn devizòn vivonu lò tòn dali, yedò nado wleawú na alihò Oklunò tòn, podò na ewo nido wleawú gbètò dódónò lè detòn dote.

To Owé Alènù hohó tòn lè po mè, yè dòhó hlan otó lè he Jiwheyewhe do pagbè Alènù tòn hlan (LOMONU 9:4-5). Dòmò, «*Jiwheyewhe, mèhe sòn ojlé hohó mè, podò to jijo hunkòhunkò mè ko gbòn Yewhegán lè mè dòhó hlan otó lè to whenènu, to opòdo azán helè tòn tòn ko dòhó hlan mí to ovi etòn mè, mèhe é do dè whédutò onú popo tòn, gbòn mèhe ga é basi aihòn lè*» (HEBLU 1:1-2). To owé WALQ13:32-33 tòn mè, mí hia dolé do, «*Míwlè sò to owèn dagbe ayajé tòn do mì, opagbè he yè do hlan otó mítòn lè. Lé Jiwheyewhe ko hen en şe hlan ovi mítòn lè do, whenuena é zé Jesu tite; dilé kàn en do to Psalm awetò mè ga, dò, Hié wé ovi sie, egbé wé yen dè we tòn*» Whedepopenu he nujijo lè bé azòn to kòndopò mè po otàn whlèngán tòn po, yèdò şisè pagbè Jiwheyewhe tòn lè tòn nò bládo e go. To MALAKI 4:5, tòn mè, yè wlán dolé dò, «*Dayi e go, Yen do Elija Yewhegán lò hlan mì whèpo azán daho osinò Oklunò tòn lò nado wá*,»

Podò apawhé afò şidopo lò tòn (6) yín didohia dò, «Ayiha ovi Jiwheyewhe tòn lè tòn na yín gigòwá yise otò lè tòn kòn» ené lò yín şisè to asiko mítòn mè. Enewutu Oklunò mítòn to devizòn Johanu Baptizi tòn godo, Ewo táhinhón do pagbè lò ji dòmò, «*Eli nugbo whé wé*

na wá bo na sọ hén onú lè po gò do tènmé» (MATIU 17:11). Mòdopolò wé yè sọ wlánwé eton dó to Owé MALKU 9:12 tòn mè. To egbé, Ewo dòhlan mí dò, Elie ko wá; yewhegán lò ko hén owè nugbo lò wá na ovi pagbè tòn lè he yise kédétilé owé wiwé lè dò do, podò yé sọ yín hinhén gòwá nùplónmè lò kòn, podò to ninòmè ogbè titò gbigbò tòn de dali, kédédi bibénu agùn tintan lò tòn, yèdò aAgùn-Asivu lò, onú lè po, nugbonugbo yè degbè na onú lè po nado gòwá ninòmè Biblu tòn mè.

Onú he tin hlan Agùn-Asivu lò tòn lè po dóna mòdona whéjijo he wutu Ohó pagbè tòn, ma do yigbè na túnme devo depope he yè ma ko hùndohia to asiko he mè. Ewo dóna tán taidi hinhón he to wunhón to zinvlu gbigbòno de mè (2PITA 1:19-21).

Dinvie, onú he yè wlán do Biblu mè nugbonugbo kédé wé yín Biblu tòn, bo sọ jé na yewhehó lò, podò ené lò sọ yín niná na yise mèdidè lè tòn. Do ayi e go, yè sọ to Agùn zédo te do doundonu nugbo aposteli lè po yewhegán lè po tòn ji (EFESUNU 2:20). Enewutu wé owèn lò do yín, dò: Gigòdo Ohó lò go; yèdò yè ni gòyì bibénu lò; yè ni gòyì nuplónmè nugbo aposteli lè tòn kòn; yè ni gòyì dòpón whlèngan tòn lepo kòn! To Owé 2 KQLINTINU 6:14-18 tòn mè, ohó vivévivé lè yín didò hlan omé Jiwheyewhe tòn lè,. Dòmò:

“... Vivé tewé fiwiwé Jiwheyewhe tòn tindo po boşıo lè po? Na fiwiwé Jiwheyewhe ogbènò tòn wé míwlé; dilé Jiwheyewhe dò, dòmò, Yen na nonò yé mè, bo sọ to zonlinzin to yé mè; yen na yín Jiwheyewhe yetòn, yewlé naso yín omé sie.” Do ayi e go, owèn godo tòn yín kinkòndopó hé oylo tintónjegbonu tòn podò kinklan tòn, podò ga hé onú gòdo-nú-tènmé po awuwíwlé tòn po. Tintan lò wé yín dò, mí dóna tónjegbonu, podò to enégodo, mí sògan biò e mè.

Do ayi e go dinvie, opagbè koléwá Eton tòn ko tin to ohòn ji (MATIU 24:33). Oklunò mítòn podò Whlèngantò mítòn ko dò dogbòn núhe na jò to ojlé godo tòn mè lè dali, dòmò: “Whenuena onú hele na sè jijò, mì ni pón aga, bo sọ zé ota mítòn do aga; na ofligò mítòn to dindònsepó wutu” (LUKU 21:28) podò to tèndodopolò mè, É ná mí avasè dòmò: “Sigba mì ni hó mìde to osà lepo mè, bo nò basi ovevivé, na mì nido yí nuglo nado hòngán sòn onú hele pò mè he to na wá jò, podò nado site to Ovi gbètò tòn nukòn” (LUKU21:36). Mì sọ flin dò, mí ko mò şisè dòdai Biblu mè tòn lè pannukòn Islaëli, pannukòn akòta lè, to aihon lepo mè, podò nado dò talala dò to Agùn lò mè, podò mí sọ sògan to awhádó magbojé, dòmò: “To egbé Owèn lè po lé po ko yín şisè to nukun mítòn mè!” Ené lò sọ hén mí

nado flin ohó Eton lè, dòmò: “*Sigba onú hele wé yen dò hlan mì, na whenuena ojle yeton wá, mì nido flin yé, lé yen ko dò na mì*” (JOHANU 16:4). Nişe.

Dinvie, onú titegbe lò wé yín dò, yè ni mòdona kòndopó pipé he yín Asivu lò po Asisúno lò po tòn. E ma jé na yisenò depope nado mòdona ohia ojlé lò tòn lè kédé gba, adavo nado tindo dòpón Biblu mè tòn he yín owhesùna tòn lè (LOMUNU 5:9), podo klandowiwé tòn lè (1 TESALONIKA 5:23), po baptém Gbigbò Wiwé tòn tòn po (1 KOLINTINU 12:13), po onú devodevo lè po, enélé pò dóna sòawúhia to dinvie nugbonugbo kédétilé e sòawúhia dò to ojlé aposteli lè tòn mè. Podo to vivonu, wanyinna Jiwheyewhe tòn he sogbe lò, kédétilé e sòawúhia dò to satin ji to Gòlgòta gbón owhèdogbò po jona po dali, dóna sòawúhia ga to mehe yè dòwhègbóna lèpo mè, yèdò yé he tindo dòpón ojona yeton tòn lè tòn, na: “*Onú hele wé yen degbèna mì dò, mì ni yiwanna mìnqozo*” (JOHANU 15:17). Whenuena yisenò nugbo lè ko yín ayiha doponò po linlèn doponò po, jikun nukòn-nukòn tòn po godogodo tòn po na jà (JAKOBU 5:7:11; JOELI 2:23; ISAIA 44:3; ZEKALIA 10:1). Whenenu wé huhlòn Jiwheyewhe tòn na sòawúhia, podo di Job tòn, yèdò mèhe hodèna hòntòn eton he ko dowhè e (JOB 42:10), ewò mò vojlado yí to ogbè donu awe ji, mòdopolò wé onú he Jiwheyewhe ko ná Agùn lò sòn whéwhénu, nasò sòawúhia.

Do ayi e go, wanyi pipè kédé wé opòninò gbesisò tòn. Na yè wlánwé eton dòmò: “*Otadó onú hele pò tòn, mì zé owanyin dogo, ehe yín pòninò gbesisò tòn*” (KOLOSINU 3:14). Enewutu, mí dóna tindo wanyi pipé hlan Mefligòtò lò, hlan mèfligò lè, podo hlan Ohó Jiwheyewhe tòn dopodopo, podo ga hlan yise nugbo podo gbètè lò hlan opagbe Jiwheyewhe tòn dopodopo. Na whenuena mí omè pò na yín gigóna Gbigbò Wiwé kédèti to Owé Owalo 2 tòn, podo kédèti to Agùn tintan lò mè, whenenu wé mí na dò nugbonugbo dòmò: “... Na yè ko kòn owanyi Jiwheyewhe tòn pé to ayiha mè gbón Gbigbò Wiwé he yè yí hlan mí dali” (LOMUNU 5:5). Do ayi e go, Owen nuyónen tòn he yè túnme gbón ninòmè jeagò de mè, ma sogan dè núdepope tòn gba; adavo eyín dò yè gò onú popo wá titò Jiwheyewhe tòn mè, whenenu wé ohógbè he lò na yín zinzán, dòmò: “*Na omè sòha he yè hléali gbón Gbigbò Jiwheyewhe tòn dali, yé wé ovi Jiwheyewhe tòn*” (LOMUNU 8:14).

Whenuena Asisúno lò na wá nugbonugbo, whenenu wé “awhágbe oylo finfón” Eton tòn na dònú jénekòn na yé he kú to Klisti mè lèpo, podo to enegodo, yé he to ogbè to Klisti mè lèpo na yín didio, bo nasò yín

zizédaga to aslo mè nado yì pé Oklunq lò. LÉ WÉ OKLUNQ DÓ to Ohó Etòn wiwé po madopòdo po mè (TESALONIKA 4:13-18).

Do ayi e go, koléwá Oklunq ton na yín nugbo, yèdò dilé zizéyì aga Eton yín nugbo dó to OWALQ 1:11 ton mè, domo: "... Jesu he lò, he yè yí do olon mè són mì de, nado légowá dilé mì mò en bò é jei olon dó." Podo fónsónkú oṣio he tin to Klisti mè le ton na yín nugbo (1 KOLINTINU 15:42-44). Didiq agbasa míton ton naso yín nugbo (1 KOLINTINU 15:54). Béyiłonmè lòsu na yín nugbo (1 TESALONIKA 4:17). Núdùdù alowle hùnwhe ton ton na yín nugbo (OSOHIA 19:7). Onú lepo na yín nugbo, Owhè fotón lòsu ga (OSOHIA 20), podo to vivonu, olon yóyó lè po aigba yóyó lò po (OSOHIA 21). MALANATA, wá Oklunq Jesu! "Ewò he sàkunnu onú hele ton domo, Mowé, yen ja yiyáiyiyá. Nişé! Wá, Jesu Oklunq!" (OSOHIA 22:20).

Yè ma dóna gó núdepopo na Ohó lò gba ...

Do ayi e go, devizón novisunnu Branham ton lòsu yín onú vive di Mose ton, po Johanu-Baptist ton po, podo po aposteli Paul ton po ga, he tin to kònđopó mè po otànho Whlèngan lò ton ton po. Ohó Jiwheyewhe ton yín didò gbón wenzagùn lè dali bo ko yín tuntunme hlan mí; podo enélo wé mí to lilá pé, na Ohó lò kédé wé na nôte kakadoi (1 PITA 1:25). To Owé 2 PITA 3:14-18 ton mè, Aposteli Pita miyonhomé na yisen lè to pinpón opagbè kòléwá lò ton, yín şisè podo matin apa kavi diho depope gba. Ewlòsu sò to alöndlendo episteli Paul ton lè, bo sò to didohia to whepoponu dò onú sinsinyen delé tin finé nado yín domona. Şigba mí modona dò akuehihò owén Biblu mè ton lè ton ma yín gbèdidè sinsinyen nado mòdona gba, kédèdi Paul ton to whenenu, yèdò ehe Pita to alöndlendo to Owé 2 PITA 3:16 ton mè lè, kavi ehe novisunnu Branham dò lè, yèdò ehe tin to teninò daho de mè na nýiyawá Jiwheyewhe ton to vivonu lò. Kédèdi whenenu ton, omé mòhunkò ton lè sò tin to egbé ga, yé he nò yí ohógbè novisunnu Branham ton lè bo do nò basi nûplónmè yeton titi he jeagò lè (AFQ 16).

Do ayi e go, nûplónmè he Paul to niná hodotò etòn Timoti he yín nugbonò to Owé 2 TIMOTI 4:1-5 ton mè, ko yín niná gbón Oklunq Lòsu dali hlan novisunnu Branham to owhè fotón-fené-kantòn e lán wiatòntò (1933) mè, to nûmímò de mè. Enewutu, devizónwàtò nugbo he yín Jiwheyewhe ton depope dóna yí ohó hele lò hen ayiha mè, domo: "Enewutu, yen dègbèna we to Jiwheyewhe nukòn, podo to Jesu Klisti Oklunq nukòn, mèhe na dawhèna omé he to ogbè po oṣio lè po to

*awúsóhia eton po ahóludu eton po whenu; no doyewhehó ohó lo ton; dó magbojé na dewe to ojlé mè podo to ma yín ojlé mè; no yín linsinsinyen po oplón lepo podo wóhémè, no yí do pómègo, bo sò no jlahomédóname. Na ojlé na wá bø yé ma to **na dóakónna oplón he pégan**; sigba to wantúntún yeton titi mè, yé he tlító, yé na bé núplóntø pli na yéde; yé na lé otó yeton sòn nugbo mè, bo nasø gò do otàn ovó kòn. Sigba no hó dewe to onú popo mè, dóakónna nukunbia, **no to azón yewhehódoto ton wà pé, bo no wàzón devizón towe ton diun hézéhézé.**”*

Oklunø lo sò dègbèna mi ga do, yen ni hia Owé 2 TIMOTI 4 ton, to owhè fótón-fènè-kènnè-kòtø (1980) ton mè to otò Maseyi ton mè, to Flansi. To whèjai he jenukønna ehe lo, yè ko kànhòbiø dogbøn tadèna wanyinyen osò shinawe he tin to Owé OSOHIA 10 ton mè le ton dali. Do ayi e go, yen matindo gblondo ohókànbio né lo ton to whenènu gba. To whenenua yen to Owé 2 TIMOTI 4 ton lo hia, to tèndodopolø mè, yen modona núhe wutu yen dóna hia owéfø he lo: Na yen ma sògan podo yen ma dóna doyewhehó kavi plónmè núdepope gba, adavo Ohó lo, mowè yen ma sògan podo yen ma sògan yín máhetø to tùnmè le mè gba. Na yen ma sògan yígbèna onú he ma sògbè depope gba, na yè ko dè ené lo sè sòn yen mè.

Enewutu, mèdepope he yè yín yiylø sòn Jiwheyewhe de nugbonugbo, dóna yí ohókønamè he Paul ko dø hlan Timoti hen to ayiha eton mè, bo nasø yí i zán: “*Enewutu, yen dègbèna we to Jiwheyewhe nukon..., no doyewhehó ohó lo ton...!*” Na núdepope he yè ma wlán do Ohó lo mè ma je na yewhehó Wèndagbe madopòdo lo ton gba. Podø mèdepope he doyewhehó núhe matin to Biblu mè ton depope, yín e tlè yín dø ewø do e hia di nùdohiamè de, ené lo na hèn odèhodo wá (GALATIA 1:8), yín e tlè yín angeli olon mè ton dé de wé ené lo sòn wá!

Na enewutu wé aposteli Johanu do ná mí vivé he domo: “*Na yen sakunnu hlan yé he to ohó dòdai ton he tin to owé he mè sè le domo, Eyín mèdepope na dè dogó onú helé, Jiwheyewhe na dè azònýlankan he yè wlán do owé he mè dogó en: eyín mèdepope na depò sòn ohó he tin to owé dòdai ton he mè, Jiwheyewhe na dè otén eton sòn owé ogbè ton mè, sòn otòdaho wiwé lo mè, podø sòn onú he yè wlán do owé he mè le mè*” (OSOHIA 22:18-19).

Do ayi e go, yé he no hèn núhe yè wlán do owé lo mè le kèdè go wé yè ylø dø donano: “*Donano wé ewø he to hihia, podø yé he to ohó dòdai he*

*tὸν σὲ, βο σο τὸ ὄνυ ἡ γένειον δὲ καὶ με λέγει ἡ γένειον: να ὥσθεντο σισέπω
ωτοῦ*” (OSOHIA 1:3).

Jiwheyewhe nọ lẹn núhe É to didọ pón bo sọ nọ dọ núhe É to linlẹnpón

Do ayi e go, yè ko dọ hlan yewhegán Danieli dọmọ: “*Sigba hię, Danięli è, súnúdo ohó lę lę, bo so yí ohiadonu do tlé owé lo, yèdo je ojle opòdo lo ton: mèesusu na hònwezun yìgodo podo yìnukon, yè naso hén oyónen sùdeji*” (DANIELI 12:4).

Mí tindo ojle opòdo lę tòn: na owé he yè súnúdo lę ko yín hùnhùn podo núhe to e mè lę ko yín hùnhùndohia. Enewutu, mí ni dopena Jiwheyewhe; na onú depope ma sọ pò to finemé ehe sọ pò to núsúdo gba, na “*do ayi e go, Kinnikinni lę he son whëndo Juda tòn mè, Adò Davidi, ko gbawhàn nado hùn owé lę, podo nado hòn hiadonu etòn şinawe lę*” (OSOHIA 5:5).

«*E sọ dòhlan mi dọ, hię yí hiadonu do tlę ohó dòdai tòn he tin to owé he mè lę blo: na ojle lę to sisépó*» (OSOHIA 22:10). To afò atòn owé lę gbepò to title.

Titò Whlengán nugbo lę tòn ko yín didohia mí hézéhézé to Ohó lę mè. Mí dóna zé yé do otèn yetòn lę mè yèdö whèta şinawe agùn lę tòn (OSOHIA 2: 3). Angeli enè lę he yè sin to otò Eflaiti tòn tó lę, to didohia whèdida lę (OSOHIA .9), podo ga angeli şinawe lę sọ kùnpèn lę (OSOHIA. 8-11). Podò na míwlę tòn, ohóta vovo hele pò yín domona hézéhézé, na ehe wé yín whenuena Okluno jete di Angeli Alènù tòn de (OSOHIA. 10) kavi to whenuena yewhegán awele sqawúhia (OSOHIA 11) kavi onú he kàn angeli şinawe lę po ogo homegbile Jiwheyewhe tòn tòn po (OSOHIA. 16) popolepo núdohia lę tòn po nújijö lę po tòn po, ko yín didohia mí gbon jomiyon mè podo to ohóta sogbè de mè, to ninòmè domonanú tòn de dali, kędədi dö e ma ko tin to whèta he ko jenukon na mí lę tòn mè gba.

Sigba yè to vivò e dö to wheleponu, to Oyín Okluno Jesu Klisti tòn mè: Ewò to bibio dinvie oylo tintón po awúwiwle tòn po hlan Agùn -Asivu lę tòn. Yín e tlę yín dö, mí mòdona onú dabla lę po, şigba bò mí ma tindo owanyi nugbo na Ohó lę gba, yèdö pannukon **dopodopo Ohó lę tòn**, bé whenenu mí ma soğan yín awúwleto, kavi yinwanna awúsöhia Eton gba. Enè wé vogbingbòn he tin to awhli nýyónentö lę po awhli lulunu lę po şenşen. Mí ko wá vivonu, vivonu lę tòn, he yè to didọ dinvie, he yín gigó

vójládo pipé he sogbè hé Ohó lò, e dóna yín mè whépo Oklunò mèyiwanna mítòn podò Asisunò lò nado wá. Mèdidè lè na tèdo Ohó lò go kakajé vivonu, podò yé ma sogan klo yé gbon tunmè alopa devo de dali gba. Yé doyise na Owen dagbe lò kédé, yé na yín omè he yè doai nugbonugbo do Owé Wiwé lè ji, jenukon na kóléwá awetò Klisti tòn. Podò yé na dope na Oklunò to madòpodo mè na devizón dòdainò nòvisunnu Branham tòn tòn, he gò nùjijo titò Whlengán tòn lèpo do otèn yetòn mè. Yé wé yè dòhó dagbe he hlan dò, «*Donano wé nukun mítòn lè, na yé mè, podò otó mítòn lè, na yé sè.*»

DEVI MA KLO HÚ KLUNÒ ETÒN GBA

Ohókànbiò susu wé ko sòawúhia mi, ehe yè dóna ná gblondo etòn. Podò owèn jehon mè tòn lè ko sò yín bibéplidopò: podò to dopo mè, ohókànbiò atòn tin to fine, to ehe bodo e go, şinatòn tin to fine, podò to devo mè okò. Nado dò titegbe, osøha ohókànbiò he yen dóna ná gblondo lè tòn yín kande-atòn. Ehele pò sò jlo nado tindo nukunnumojenugo do ohógo nòvisunnu Branham tòn lè ji. Enewutu, yen to vivè mì dò, mì ni tindo wuntuntun, na e ma bøawuna mi nado ná gblodo ohókànbiò nèlè gba.

Dogbòn núhe kàn ohóta Biblu mè tòn lè tòn dali, yen ko dòhó do yé ji dote to susu ohódidò sie lè mè, bo sò táhinhón do yé ji gbon Owé Wiwé lè dali. Do ayi e go, enè lò sò yín onú titegbe he kàn devizón dòdai he yìaga lò tòn podò magbøvø nòvisunnu Branham tòn lò tòn. Gbèdidè he Oklunò ná mi to azán awetò, osùn ènètò, owhè fotòn-fenè-kènnè e lán awetò (1962) tòn mè bo sò yín hinhenè gbon yewhegán lò dali to azán atòn, osùn wiawetò, owhè fotòn-fenè-kènnè e lán awetò (1962) tòn mè to nukun kunnudètò awe he yín nòvisunnu Wudu po Sotimanu po tòn mè, enè lò wé nado no doyewhehó lo bo so no má nùdùdù he yè bépli lo. Dinvie, na omèdidè lè tòn wutu, yen to didò whladopo dogò, dò, to osègbè azán fotòn-nukun-dopoto, osùn sinetò, owhè fotòn-fenè-kènnè-fotòn e lán dopoto (1976) tòn mè, wé Oklunò dòhó hlan mi po ogbè sinsinyèn de po to hògbè helé mè, dòmò: Devi sie, Yen ko dè we kédèdi Owé MATIU 24:45-47 tòn, na hié nido má nùdùdù lò.” Nugbo wé ehe lò yín, yèdò dilé Jiwheyewhe tin to ogbè dò.

Do ayi e go, to Owé AMOSI 8:11 tòn mè, Ewlòsu ko dòdai dò hùvè nado sè Ohó Etòn na sòawúhia, podò gbètø gbigbønò lò na nògbè gbon Ohó Jiwheyewhe tòn dopodopo dali. Enewutu, Meflitò mítòn dòmò: “*Nùdùdù sie wé nado wà ojlo mèhe do mi hlan tòn podò nado dótana azón etòn*” (JOHANU 4:34). Podò gbon Paul mè, Ewo dò hlan

devizónwàtò etòn dopodopo dò, “*Eyín hié nò flin onú helé mémesunnu le, hie na yín devizónwàtò Jesu Klisti ton de, he yè plón to ohó yise ton me, podo son oplón dagbe le me, ehe hie ko to hihodo kaka je dinvie*” (1 TIMOTI 4:6).

To whepoponu, Owé 2 TIMOTI 4 dóna yín sisè dogbon ehetòn dali, nado módonà dò ojlé na wá bò omé susu “*ma to na dóakónna oplón he pégan; sigba to wantùntùn yetòn titi me, yé he tlító, yé na bé meplóngò pli na yéde...*” Enewutu, to Owé MATIU 24:48-50 tòn mè, yè ko dòhò do afànumé ylankan de go ga, yèdò *mehe na dò to ayiha etòn mè dò, Klunò sie dòn gigò etòn do godo...*” (afò 48 lò). Kèdedilé Ovi Gbètò tòn nò do Jinukún dagbe lò jenukòn dò, mowé yé mèhe É dohlan lépo nò wà dò ga (MATIU 13). To enégodo, kèntò lò nò wá dandan nado do jinukún ylankan, yèdò ogbè ylankan lò: ené wé túnme gbètò tòn lè. Do ayi e go, devi dagbe podò nuyóntò lò ma nò do núdepope adavo Jinukún Ohó lò tòn kèdè, bo sò nò má Núdùdù gbigbòn lò. Sigba afànumé ylankan nò ná túnme ede titi tòn.

Yé mèhe yè ji sòn Jiwheyewhe de lépo nò yise bo sò nò jaya dò Okluno Jesu Klisti Lòsu ko ná whenu ojlé he lò, nado doyewhehó Ohó lò tòn. Do ayi e go, mí ma sògan dò onú devo depope gba: Na ewò mèhe Jiwheyewhe dohlan nò doyewhehó Ohó Jiwheyewhe tòn lò tòn kèdè, podò ewò mèhe sòn Jiwheyewhe de ma nò sè núdepope adavo Ohó Jiwheyewhe tòn lò kèdè (1 JOHANU 4:6), bo ma yín otàn ovó lè gba (2 TIMOTI 4:4).

Do ayi e go, Paul wlánwé dòmo: “*Sigba to onú lépo mè, míwlè to whèsùna míde di devizónwàtò Jiwheyewhe tòn, to homèfa susu mè, to nukunbibia mè... gbòn ohó nugbo tòn mè, to huhlon Jiwheyewhe tòn mè, to gbaja dódó tòn mè, to adusilò mè podò to amiyonlò mè, gbòn gigo po ovlé po dali, gbòn mesisile ylankan po mésislé dagbe po dali: di méklotò, sigba nugbnò*” (2 KÖLINTINU 6:4-8).

Mí sò hia to Owé 1 PITA 4:12-13 tòn mè, dò, to whedelenu, yisenò lè dóna gbòn whlepón miyonawu mè, sigba na mí ni yín máhéto to yajiji Klisti tòn mè, “... na whenuena yè dè gigo etòn hia, mí nido jaya to homéhùnhùn susu mè.”

Do ayi e go, dò, Mefligòtò mítòn Lòsu ko dóakónna ovlé lò sòn jiji Eton whenu je zizéyì-olòn mè Eton whenu. Enewutu, wékàntò lè wohé È na Ewo yín jiji sòn ogalilò mè (JOHANU 8:41), bo tindo aovi de (JOHANU 10:20), bo tindo kòndopó hé Beelzebuli (LUKU 11:15), bo góna gbigbo

devo (MATIU 27:63), bo sò yín oyланwàtò de (JOHANU 18:30). É dòákonna ovlé nélé pò, pòdò to satin ji, yè sò vlé E kò. Sigba to afonnu Jùwáyì tòn, É tónsòn yódòmè kedèdi Awhàngbatò lègba tòn tòn, awhàngbatò okú po kútòmè po tòn, whenuen wé Ewò sògan dègbè dòmò: “Asè lepo we yè ná mi son olon kaka wá aigba ji.” Do ayi e go, Ewò hejì yìaga po awhágbe awhàngbigba tòn po (PSALM 47:6; PSALM 68:19; LUKU 24:50-53; OWALO 1:9-11), podò Ewò naso légòwá po huhlòn daho po, podò po gigo po.

Podò kedèdilé e soawúhia hlan Oklunò dó, mowé e naso te hlan devi Etòn lè ga, dòmò: “*Mì ni flin ohó he yen ko nò dò hlan mì, dò, Afànumé ma klohú oklunò etòn. Eyín yè dohomékèn mi, yé naso dohomékèn mìwlé ga; eyín yé ko yí ohó sie hen, yé na yí mítòn hèn ga*Donanò wé mì, whenuena gbètò lè na to wangbèna mì, whenuena yé na to mì klán sòn ogbè yetòn mè, bo naso to mì vléko, bo to oyín mítòn dè yìngbe di oylan, na Ovi gbètò tòn wutu” (LUKU 6:22).

Sigba to ojlé popo mè, ehe dóna yín sisè dòmò: “*Yé he dò to avi mè le, na gbè to hàngbè ayajijé tòn mè. Ewò he to zonlinzun bo to avivi, whenuena é na zé okú lò hèn, é naso légò po ayajijé po, whenuena é na hèn sinsén*” . Do ayi e go, whenuena Oklunò na soawúhia to gigo mè to koléwá Etòn whenu, mìwlé lòsu jaya bo naso tin to ayajijé mè. “*Mèhe mì ma ko mò, bo to wanyinna; mèhe mì ma tle mò dinvie, gànṣò bo to yíyíse, mì yí aya masogandò he góna gigo to ayajijé mè*” (1 PITA 1:8). Dinvie, mí to vléko lè hèn na Oyín Etòn wutu, sigba whenuena É na wá, mí na yín ayanò bo naso tin to ayajijé mè, podò mí naso yí jegbakún gigonò lò (1 PITA 5:4). Do ayi e go, É wá tintan nado bé ylando mítòn lè sè; Ewò naso wá awetò na yé he to tenopón Èn lè (HEBLU 9:28), yèdò hlan yé he yinwanna awúsòhia Etòn lè (2 TIMOTI 4:8), podò hlan yé he wléawudai nè lèpo (MATIU 25:10).

Enewutu, aposteli Johanu do huhlòn mí, dòmò: “*Podò dinvie, mì yopò emi, mì nòte to ewò mè, na, whenuena é na soawúhia, mí nido tindo tudido, bo ma naso kuwinyan to nukòn etòn to gigòwá etòn whenu... sigba mí yónen dò, whenuena ewò na soawúhia, mìwlé na di ewlòsu; na mí na mò èn dólé é te.*” (1 JOHANU 2:28 po ota etòn 3:2 po).

Etewé nò jò whenuena Oklunò dawhá gángán di kinnikinni de?

Mí gbò na mí ni dò whladopo dogó, na omé godogodo tòn lòsu nido mòdonà dò: Ewò mèhe yise kedèdilé Owé Wiwé lè dò dò, na mò núdohiamè owéfò

Biblu mè tòn lè tòn he kàn ohóta dopodopo. To Owé OSOHIA 10 tòn mè, Oklunq jête di Angeli Alènù tòn lò po owé lò hùnhùn po, Ewo so yí afo Eton le do ohù ji podo do aigba ji, bo to awhádo ogbè lélé, di whenuena kinnkinni to gbigbo gángán. Ohógo he mí dóna módonà to ofì, wè yín “gbigbo gángán”.

Do ayi e go, to yewhehé he yín, “Odò” mè, ehe yè dò to azán fotòn-nukun-awetò, osùn atòntò, owhè fotòn-fenè-kènnè e lán atòntò (1963) tòn mè, nòvisunnu Branham hia Owé OSOHIA 10:1 tòn, hadopo to enèlò godo wè é dòmò: **Eyín mì do ayi e go, Klisti wè. Na yè ylo E dò, Angeli Alènù tòn to Alènù Hóhó mè. Ewo naso wá Ju lè de to whenuena Agùn ko dóalôte, yèdò whenuena yè ko zé Agùn lò yì.**

Enèlò wè shìshè apáwhé awetò MALAKI 3:1 tòn tòn, dòmò: “... *podo Okluno, mèhe mì to dindinyì na wá je templi eton mè ajiji; angeli alènù ton lo, mèhe mè homèvivi mì te, dayi e go, é já...*”

Yè ko sò dòdai dote dogbon núhe na wá jò po yisenò he yín ovi Islaëli ton lè po tòn, gbón Ohó dòdai tòn lò dali. Whenenu wè e na yín shìshè, dòmò: *“Podo Okluno na li, son Zioni me, bo so do ogbè eton son Jelusalem; podò olon lè po aigba po na whàn: sigba Oklunq na yín fibètado hlan omè eton lè, podò figángán de_hlan ovi Islaëli tòn”* (JOËLI 3:16).

“*Yé na nò zinzonlin hodo Okluno, mehe na no li di kinnikinni de: na ewo na lìovi naso to sisosiso son whèyiho ji ja*” (HOSEA 11:10).

“*Ewo dòmò, Okluno na li son Zioni me, bo so do ogbè eton son Jeslusalem me; podò fininò lèngbòhòtò lè tòn lè na blawu, podò aga Kalmeli tòn naso yó*” (AMOSI 1:2).

Do ayi e go, ojlé he mè Ewo lì di kinnikinni de te wè asiko nè lò sòawúhia na awhágbe wanyinyen osò şinawe lè tòn nido dònú (OSOHIA 10:3). Whenenu wè Johanu pò núhe yè ko wlán lè, ogbè de sòn olon mè didò hlan èn dòmò: “*Yí hiadonu do tlè onú he osò şinawe lè yí wanyinyen do dò, a sò wlánwé yetòn blo*” (afò eton 4). Na Jiwheyewhe ni ná budisi wiwé de hlan omè lèpo, nado dibusi ene lò; na “**LE WÈ OKLUNQ DÒ**” wè nugbonugbo.

Angeli Alènù tòn lò, yèdò Ewo Mèhe yí afò eton do aigba ji podo do ohù ji, bo lì di kinnikinni de, zé alò eton do aga hlan olon to whenenu, bo so whlé gbón ewo he tin to ogbè kakadoi dali, dòmò: “*ojlé ma sò tin ba...*”. To owé yewhegán Danièli 12:7 tòn mè, ohókànbio lò yín tadèna po

pagbè lọ po hézéhézé hlan ojlé didè lọ: “... bo whlé gbon ewo he togbè kakadoi dali do, e na tin na ojle de, ojle le, po odá de po; podo whenuena yé ko basi opôdo gbigbà omé wiwé lẹ tòn tòn de hanyanhanyan, onú lepo na yín tadóna”. Niş! To Ohó dòdai tòn lọ mè, yè ko dò hlan mí hézéhézé dò, owhè atòndá son ojle he me yè ko dopagbe, kaka jẹ whenuena onú lepo na yín sisè, yèdò to ojle godo tòn lọ mè. To Owé Danieli 7:25 tòn mè, mí sọ hia dogbọn owhè atòndá lọ tòn dali, yèdò ehe kòndopó hé Islaeli podo to Owé OSOHIA 12:14 tòn mè, mí mọ ojle de, po ojle le po, podo odá ojle de ton po, kệdedi Owé DANIELI 12:7 tòn.

To ofi, mí mọ dò e ma sọ yín ohókànbiọ Agùn-Asivu lọ tòn gba, adavo ojlé nukunbibia Islaeli tòn tòn. Na yè ko dò hlan yewhegán Danieli dòmọ: “Dinvie, ye hén mi wá nado hén we túnwun núhe na jò do ome towe le go to azán agògbonen ton le me: na nûmimọ lọ gbésø tin na azán susu” (DANIELI 10:14). Dinvie, po owéfọ Biblu tòn he sogbe lẹpo po, e ma sọ sinyenawu nado zé núyiwà daho lọ do ninòmè he sogbe mè gba, nado dò do Biblu tòn mè. Na ené lọ ma sọ kàn Agùn-Asivu lọ tòn gba, adavo omé Islaeli tòn lè, mí ma sọ dó hudo nado to núyiwà he kàn enélé tòn pón gba. Na Oklunọ lọ na pón omé Etòn lè kaka jẹ opòdo.

Opòdo ojlé lẹ tòn wẹ; Wiwá Etòn ko sẹpó

To Owé MATIU 24 tòn po Owé MALKU 13 tòn po, podo Owé LUKU 21 tòn mè, Oklunọ ko sọ dòhó do nukonyìì go do ojlé he na jenukonnà kòléwá Klisti tòn. Enewutu, É zé whenu he lọ jlèdo ojlé Noé tòn go (son GENESISI 6 jẹ ota 9 tòn mè), podo do ninòmè Sòdòmi po Gomòla tòn po go (GENESISI 19; LUKU 17). Mowé e na te dilé e te to hohówhenu dò, mowé e sọ yín dó.

Do ayi e go, Ohó Jiwheyewhe tòn po gbèdidè nûdídá tòn po yín hihiaje di nûgbigble dogbọn azónwhé aihon lọ tòn lè tòn dali. Ené lọ tin hlan asú po asi po lè, hlan whendo lè, podo hlan jowamọ he penzín lè.

Aposteli Paul he yín nûzinzán míton nûyónento, ko do ninòmè lọ blebú hia to Owé LOMUNU 1:24-32 tòn mè, dòmọ: “Enewutu, Jiwheyewhe jo yé hlan ojlo gbémagbo tòn lè; na yèdò yonnu yetòn lè diò zinzán jowamọ do ené he jẹagò do jijo go: mokédé wẹ sunnu lè ga, yé nọ jo zinzán jowamọ yonnu tòn do, bo sọ nọ to winwàn to ojlo yetòn mè to yénozo go: sunnu po sunnu po to onú he ma jẹ wà...” Do ayi e go, ehe lọ to sisè to nukun míton mè podo to otó míton mè.

Mowé agùn lè lòsu to wiwà dó di gbigbò ojlé he mè tòn he pò lepo. Na ehe gbón godò tòn, mí sògan hia do ohóta daho he mè, dò, “Didio zinzán agùn katoliki tòn tòn. Na otò Vatikan tòn ko yígbèna zinzán sunnu po sunnu po tòn, podo yonnu po yonnu po tòn. Yè túnme dò, zinzán sunnu po sunnu po tòn kavi yonnu po yonnu po tòn sògan hèn adòkùn wá na piplimè yisenò lè tòn gbón zinzán yetòn po ninòmè yetòn po dali...”

To aihon mè, omè dopodopo tindo jlojé nado nògbè to ninòmè he mè ewò mò dò e yín dagbe te, bo sò mò dò, yè ma na dotukla omè depope gba, na yè nido mò ohóta kinklán tòn dogbòn zinzán yetòn lè dali. Enèwutu, jlojé gbètò lepo tòn yín núhe to ote bò yè ma sò sògan hèngble gba. To popolepome, hlan ewò mèhe yí Jiwheyewhe sè bo so yín jiji nugbo gbón Gbigbò dali to egbé, wè Ohó Jiwheyewhe tòn yín afogben núijile tòn hlan. Podo ewò mèhe yín máhéto to Agùn nugbo Oklunò tòn tòn mè nò dibusi gbèdidè núididá Jiwheyewhe tòn tòn, to asú po asi po mè, podo whèndo lè mè, dènsolé gbèdidè Agùn lò tòn po titò Whlèngan tòn he yè ná mí gbón Ohó Etòn dali, mowé ewò dóna jo ede nado yín dido do Gbèdidè Jiwheyewhe tòn mè dó to ninòmè agbasalan tòn mè podò to ninòmè gbigbò tòn mè ga.

Sigba jenukonna onú popo, núhe yè ko dègbè etòn hlan agùn lò blebú to yewhehó tintan mè, ehe ko hú owhè fò dinvie, yèdò to didò Agùn Alènù Yóyó mè tòn lò tòn whenu, dòmó: “*Mì lènvojo, na yè ni sò baptizi dopodopo mítòn to oyín Jesu Klisti tòn mè, na desè ylando tòn, mìwlè nasò mò niná Gbigbò Wiwé tòn yí. Na opagbe he hlan mì wè, podo hlan ovi mítòn lè, podo hlan mèhe tin to aganu lepo, podo hlan omè sòha he Oklunò Jiwheyewhe mítòn na ylo lè*” (OWALÒ 2:38-39). Do ayi e go, yewhehó egbé tòn dóna tin to kòndopó mè hé tintan lò podo na yisenò owhèta Agùn godò tòn lò tòn lè, núplónmè lò lepo yín dopolo kèdèdi hlan yisenò owhèta tintan mè tòn lè. Do ayi e go, ewò mèhe ma jo ede na Gbigbò Wiwé nido dù to é ji bo ma sò kéaloyí fligò he yè námè lò, ma sò sògan jo ede nado yín pinplán biò lènvojo mè.

Na omè depope ma sògan whlèn ede gán gba; na omè dopodopo dóna ylo Oyín Oklunò podo Whlèngantò lò tòn, bo na biò to whiwhé de mè, yèdò jona po túndote po to odè mè, bo sò sògan dó dòpón dopolo to egbé dogbòn şìsè ehe yè wlán dólé tòn, dò: “*Yè na whlèn medepope he ylo oyín Oklunò tòn gán*” (LOMUNU 10:13); Na É dòmó, “*Yen ko sèhò towé to ojlé he yè kéaloyí tòn de mè, To azán whlèngan tòn gbè wè yen ko góalòna we: dayi e go, dinvie wè ojlé he yè kéaloyí lò: dayi e go, dinvie wè azán whlèngan tòn*” (2 KOLINTINU 6:2).

Gbọn ojomiyon Jiwheyewhe tòn tòn mè, gbèzán yisenò le tòn yín hinhengòwá gbèsisò mè hé Ohó Jiwheyewhe tòn lò, yèdò to ninòmè gbigbò tòn po agbasalan mè tòn po mè. Na ewò mèhe tin to Ohó lò kédé wè sogan tin to ojlo Jiwheyewhe tòn mè, podo e ma sò yín ninòmè he mè mí tin te he lò mè wè mí na nò nado zinzonlin po Jiwheyewhe po gba, adavo dilé Enoku ko wà do whépo yè do zé é yì (HEBLU 11:5). Mowé ojlo dagbe Jiwheyewhe tòn na jedo mí ji dó, podo di Asivu he pégán de, mí na biò alowle hùnwhe nûdùdù Asisúno tòn mè. Nişé! “*Na ewò nido dêtón hlan ede Agùn gigonò de, he ma dó diho, kavi ehe gbì, kavi onú mohunkò ton lè; sigba nido wé bo ma dóapà*” (EFESU 5:27). Do ayi e go, titò owhéntintón nûdùdù mimá tòn susu ko yín bibasi dai na osùn he já le. Enewutu, yen to bibio mì dò, mì ni flin mi to odè miton lè mè. Ehe to azónwà sòn Jiwheyewhe de.

Bro. Frank



Foto he yín dide to opili otò Koba tòn mè to owhè sun tintan owhè fò e lán fótonto (2015) mè. Podo ga sòn otò Havani po Holgin tòn mè, yisenò le tónjegbonu sòn ofí le po nado dótó Ohó lò. Yèdò yewhehódòto lè wá sòn otò Koba tòn mè nado goalona opili lò ga. Podo jomiyon po dòpón nugbo tòn de po wé nado mò lé owèn godo tòn lò wá jé ovi Jiwheyewhe tòn lepo de to aihon lò blébu mè do.